

國

子

監

志

國子監志卷十三

學志五

甄用

○各途貢監生

在監貢監生肄業三年期滿有經明行修者得膺薦舉畱監三年奏請考試引

見以知縣擢用其餘滿洲蒙古恩拔副貢生咨部以七品筆帖式用。例免考試。漢恩拔副貢生咨部以復設教諭用。漢歲貢生咨部以復設訓導用。

竝得於雙月先用如本生有由本班應卽選者
仍歸卽選之班銓用優貢廩貢均入歲貢班捐
納貢監不咨部餘竝同漢貢監生

滿洲蒙古各途貢監生許考選八旗七品八品
筆帖式內閣貼寫中書蒙古新設外郎太常寺
讀祝官贊禮郎鴻臚寺鳴贊各館繙繹清字謄
錄五年期滿議敘各照品級以筆帖式用漢各
途貢監生許考選各館謄錄五年期滿議敘恩
拔副貢生已就職或者考職者以本職卽用未經

考職就職者以州同州判縣丞掣用肄業咨部
之正途貢生仍以教職用歲貢優貢捐納貢監
生以主簿吏目用其有報捐職銜者卽以本班
用於期滿前中式舉人者以知縣用

滿洲蒙古正途貢生

恩拔副歲優各貢生並為正途

許考選順

天府學滿洲訓導由禮部考取分別正陪引

見補授與滿洲大挑二等舉人間用各官學滿教習

由所司大臣奏請考取善繙繹者充補三年期

滿引

見咨部以應補之缺補用漢正途貢生許考選翰林

院孔目由吏部奏請考試試以論一篇題請

欽命竝請

欽派大臣閱卷進呈擬取正陪引

見補用八旗官學漢教習由禮部於正科

殿試後奏請考試試以四書文一篇五言八韻詩

一首題請

欽命竝請

欽派大臣閱卷進呈

欽定。按次補用。三年期滿。由所司大臣。按其勤惰。定書考語。引

見請

旨。以知縣教職。分別銓選。其任教習。後中式舉人。若進士者。銓注尤速。其以教職用者。恩拔副貢生。均選復設教諭。歲貢生。選復設訓導。

武英殿校錄由

武英殿咨取。監臣錄送。書成議敘。均照所得職銜先用。

恩拔副貢生願就直隸州州判及教職者漢人
由督撫驗看漢軍由都統驗看均咨吏部通校
年歲先後循次銓用其歲貢生之願就訓導者
亦如之拔貢

朝考未經錄用准在部呈請就教就職其恩歲副
優各貢來京鄉試一體准行

漢軍漢人各途貢監生均許考授職銜由國子
監咨送凡例貢例監生漢軍取都統印文并取
本佐領圖記赴監投驗執照漢人取本籍文結

限三月內到監。并取同鄉六品以上京官印結。
二一存監一送部恩拔副歲優貢生及由廩增附捐之
貢監生與在監肄業諸生止取同鄉六品以上
京官印結。二繩愆廳查驗執照文結相符呈堂
冊送各貢監生俱扣滿年限方准收考。吏部奏
請

欽派大臣試以四書文一篇判一道題請

欽命入選者恩拔副貢生一等以州同用二等以州
判用三等以縣丞用歲貢優貢例監生考

中監生之官學生算法官學生一體與試一等
以主簿用二等以吏目用均歸雙月選用其已
經就職及肄業期滿咨部者不得與焉

謹案國子監貢監生甄用各途均就現行則例
開載其歷年增定章程附載於後

順治二年以銓選需人

命各省貢生免其赴監肄業於每年四月十五日

廷試後卽行授職上卷以知州用上次卷以推官
知縣用中卷以州判縣丞教職用

十年吏部題准貢監生願考中書者國子監列名送部彙考

十一年給事中孫柏齡疏請復貢生坐監之制部議遵貢生中英年者送監肄業滿日撥厯聽吏部會同內院禮部公同考試以定職銜其歲貢願就教職者咨送吏部會同內院廷試得

旨允行

是為考職之始

十三年吏部題准彙考中書於舉人貢生內擇

文優學博者補撰文中書貢監生員內擇辭達
字工者補辦事中書

十四年吏部覆准貢監生

廷試上卷以知縣用中卷以州同州判縣丞用

十五年吏部議准恩拔副歲貢生積分及格者
咨送到部。歷滿考職照教習貢監生例上上卷
以通判用上卷以知縣用例監積分及格咨部
歷滿考職許與不積分貢生一體

廷試每百名取正印官八名餘俱以州縣佐貳官

用

十六年定厯事肄業生送考辦事中書舍人
十七年禮部覆准八旗教習止用恩拔歲副貢
生考補其准貢例貢生均不許考選

又停止積分法貢監俱不撥厯

康熙元年吏部議定貢監生肄業期滿國子監
咨部考職以州同州判縣丞用

二年吏部題准內閣撰文辦事中書遇有缺出
國子監咨送貢監生中英年端品文優字工者

八名由部臣考取正副二卷題請

欽定

三年吏部題准內閣中書缺出於未考職之貢監生內考選字畫端楷者錄用凡在監肄業者均得遴選不復限以考試人數

又題准正途貢監生考職專以州同用例監生考職以州同州判縣丞分別用

又議定恩拔歲副貢生補八旗官學教習期滿以知縣州同用

四年罷恩拔歲副貢生補用八旗教習以官廕
准例監生內未經考職者考補

六年

詔八旗教習有缺先儘恩拔歲副官廕生內考取數未
足者仍許取准例監生

又左都御史王熙疏奏舉人願就教習者請與
貢監生一體考試經禮部議准由國子監傳集
試以論題二策題一彌封試卷卽日取定文理
荒疏者不得濫取

又御史李棠疏稱監生考補中書三年後卽升部郎遷陟太優請罷其例尋部議停止

七年吏部議准八旗教習由貢生考補者三年期滿國子監咨送到部以知縣註冊選用

九年吏部議准例貢例監生充教習期滿者兼除布政司經歷理問轉運判官

十年開館纂修

世祖章帝實錄需用漢字謄錄令國子監遴善書監

生送部考選轉送內閣

是為貢監生考取謄錄之始

又

諭禮部選滿漢貢監生善書者送翰林院考取具奏所
取不拘真草何家亦不論多寡選取彙送

十二年罷舉人官廕准例監生考取八旗官學
教習仍以恩拔歲副貢生考補尋又議定連坐
監期積三十六月報滿

二十年

命考取善書監生二十四人送部考選移送恭繕

太宗文皇帝實錄

二十三年定八旗監生得考取清漢文筆帖式
二十六年罷歲貢生

廷試之例令各省學政循次考准咨部補授訓導
捐納歲貢生亦聽考送補授尋又定捐納歲貢
生以復設訓導用

五十七年吏部議准各省貢監生赴京考職取
地方官印結及各生里鄰結狀撫臣給咨送部
惟在監肄業者得由國子監取本生親供加以
同鄉京官印結保送赴部九卿公同考試如試

卷與親供字跡不同者。察出治罪。凡由恩貢及廩生中式副榜者。滿六月得與考職。由增附中式副榜及歲貢生。滿八月得與。由廩生拔貢及由廩生捐貢者。滿十四月得與。由增附拔貢及由增附捐貢者。滿十六月得與。由俊秀捐貢及四品廕監生。滿二十四月得與。俊秀監生自捐監月日為始。滿三十六月得與。俱得計閏。餘不得送試。

五十九年定八旗監生能書清文者簡選清字

中書舍人

雍正元年

命考取善書監生十二人送部考選移送恭繕

聖祖仁皇帝實錄

又

命各司月摺俱兼漢字具奏選八旗佐領下貢監生能書漢字者補內務府漢字筆帖式經總管等議准俟其任職五年後貢生授七品筆帖式者以知縣用監生授八品筆帖式者以通判運判用

又吏部議准滿洲蒙古漢軍貢監生俱許考取
筆帖式

又議准貢監生考職詳列九卿翰林等官職名
奏請

欽點閱卷官出題考試吏部司員按名察對如字跡
不符聲音不合者卷不送閱必實係本生應試
者始將試卷封送試官較閱各照其應得職銜
取定甲乙吏部先期行文國子監竝各省督撫
嚴核給咨令各生親賁赴部投文驗到方准考

試

會典作註選

八旗貢監生由都統咨送如有假冒

代替諸弊本籍出結官暨加結轉申給咨等官

竝議罰有差出結之同鄉京官咨送肄業生之

國子監官咨送八旗貢監生之都統參領佐領

罰亦如之其貢監生考定職銜即給與執照吏

部行文各直省令州縣有司籍記之俟截取時

地方官取諸生執照與部咨核對符合者給咨

聽選稍有不符及審有假冒代替諸弊咨部斥

革治罪

又禮部議定各省教職由生員捐納貢生者教諭改以縣丞用訓導改以主簿用

三年吏部議准凡恩拔副貢生漢軍由本旗都統漢人由本省督撫揀選年力強盛者造冊送部以直隸州州判缺掣籤選用竝令其赴京引見與學正教諭較俸升轉

又禮部議准舉人恩拔歲副貢生考補

景山教習三年期滿引

見送部分班銓選

謹案康熙二十五年始設

景山官學專用進士教習至是始以舉人貢生考

補甄用

又議定覺羅學漢教習於舉人貢生內考補

又覆准由廩生捐納之貢生仍照捐納日期先後按次以復設訓導用不必以主簿改授

四年吏部奏准增設順天府滿訓導一員由滿蒙恩拔歲副貢生赴禮部具呈考取正陪送吏

部引

見補用

又議定雲南貴州四川廣東廣西福建等省教職途遠艱於赴部應將進士舉人恩拔副歲貢生及捐貢生照科分名次及所捐雙單月先後日期開列選法截定人數填給執照教職有缺令各省督撫挨次陞選仍照例考試令其到任月一奏之竝將各員履歷到任日期原發執照按季彙冊送部查核

又禮部覆准八旗漢文助教員缺以閒散文舉

人及副榜中式久者每旗咨取十人由文舉人及副榜出身之俸深筆帖式每旗傳取五人清文助教員缺於清文俸深筆帖式內每旗傳取十人令國子監會同翰林院恭請

欽定題目閱取文理繙繹字跡優者進呈

御覽吏部照例註冊遇缺擬正陪引

見仍不限旗分惟按考取名次補用照例論俸陞轉又議定各省恩拔副貢生已就教職者令學臣於歲科兩試事竣會同督撫與歲貢生一例驗

看造冊送部銓選年老者以原品休致

五年禮部議定八旗教習報滿除去肄業之期
以蒞教習任三十六月為滿

又奏定漢教習三年期滿勤謹無過者照例咨
部以知縣序選如有善於誘誨再畱三年期滿
咨部以知縣即用

又吏部議准欽天監滿洲漢軍天文生缺歸入
月選令考取之繙繹監生等與筆帖式缺一例
掣補

六年吏部議准向例考職國子監止據直省地方官文結轉行咨送其賫文赴考本生實難辨識嗣後考職竝令投具親供取同鄉六品以上京官識認印結同鄉同考五人連名互結書明竝無假冒頂替重考字樣有犯此者許出結互結之人首告治罪知情不舉者竝請嚴治考試之日編次字號列坐代作者御史察出參處又吏部議准蒙古貢監生能繙繹滿洲蒙古字語者由部會同理藩院考試理藩院蒙古筆帖

式按旗補用

七年

諭舉人教習係應選知縣之人照常銓選外其貢生等長於訓課未必嫻於吏治若概用為知縣不但吏治無益而各生不能任職致干參劾亦非成全之道嗣後各處教習貢生期滿著所司衙門帶領引見或用為知縣或用為教職竝候旨因材器使著為例

八年

諭吏部向來各處鹽政弊端甚多累民蝕課難以清楚

多因鹽場大使不得其人之所致是以定議於候補
候選知縣等員之內揀選命往令司大使之事比時
該部因人員不敷揀選遂將監生捐納職銜之人亦
入於揀選之內今行之二年衆人漸起鑽營之念聞
有央求同鄉京官出結而私相餽送者此風斷不可
長嗣後鹽場大使之缺到部止准於候補候選人員
內揀選引見不必用捐納職銜之人倘或候補候選
人員不敷著將在部學習之人及畱京之拔貢生令
該部堂官及國子監祭酒等擇其為人謹慎有身家

可以辦事者保送吏部以備揀選尋監臣遵

旨保舉在京拔貢生送部揀選

九年

諭內閣朕欲於在京官員人等內揀選老成明白者數十員命往陝西內地州縣辦理宣諭化導之事年餘可竣卽著回京辦理若好加恩議敘著大學士會同該教習於庶吉士內揀選數員各部堂官在本部學習人員內揀選一二十員國子監祭酒等在選拔貢生內揀選二三十員俱交送內閣帶領引見時監臣

遵

旨揀選拔貢生三十員引

見協同庶吉士前往

十一年吏部奏准八旗監生考試隨印筆帖式
補用

又奏准八旗蒙古新設外郎令漢軍監生通清
漢文者選補

十三年

詔肄業期滿監生二十四人以教職發往直省任用

乾隆元年祭酒國連等奏准八旗助教有缺向
例咨取各部院精通繙譯之筆帖式及繙譯舉
人考試補授今八旗拔貢生到監肄業與漢貢
生學習漢文未嘗專心繙譯未可卽以助教補
授嗣後肄業期滿者咨部以筆帖式分班銓選
助教有缺准與各部院咨送人員一體考取漢
軍拔貢生仍准簡選雲貴川廣州縣佐貳官
又吏部議准八旗貢監生官學生考筆帖式題
於內閣新到通本內酌取一道

又議准八旗貢監生考試各館繕繹謄錄取清
文熟精者數十人註冊按名補用用畢再請考
試

又禮部覆准各省拔貢生

廷試列一等二等者九卿會同揀選由部引

見簡用三等者劄監肄業其考取宗學等教習者三
年期滿以知縣銓用其餘肄業期滿者吏部照
例銓選

又吏部議准未經就職之恩拔副貢生考授佐

貳一等選州同。二等選州判。三等選縣丞。未經就職之歲貢生。考授佐貳。一等選主簿。二等選吏目。竝入於雙月班銓用。聽其在籍候選。未銓時。仍得應鄉試。有願就教職者。聽其已就教職。及直隸州州判者。不與焉。捐納貢監生。亦照歲貢之例。考取主簿吏目。漢軍與漢人同。二年。

恩詔貢生監生。每年仍派大臣考定職銜。照舊例送吏部銓選。

又禮部奏准拔貢初到部者概停簡選俱於考試後劄監肄業荒謬者議處其肄業期滿之拔貢生有品學兼優者祭酒核實保薦引

見簡用餘皆遵例銓補教職

又議覆諸生肄業期滿國子監官擇學醇品卓者核實保薦畱監三年引

見請

旨嗣經監臣奏畱期滿貢生暴煜鄒儒莊權三人

又吏部議准太常寺暨

陵寢讀祝官贊禮郎鴻臚寺鳴贊等有缺凡滿洲副貢
監生並得遴選太常寺鴻臚寺堂上官選定引
見補授

三年尚書張照奏准令國子監選肄業正途貢
生善書者十人送

武英殿錄書數年後酌量議敘

諭旨恭
載本志
員額

又吏部奏准貢監生於鄉試年五月內考職文
結務於三月到部

又議准鹽場藩庫大使有缺恩拔副榜貢生得

與舉人候選知縣考授州同州判縣丞候選直隸州州判等一體赴部遴選引

見簡用嗣以舉人需次者多罷貢生鹽場藩庫之選又兼管監事尚書孫嘉淦奏准於八旗官學生中考其優者拔為監生令入監肄業與拔貢生同習明經治事期滿擇尤異者一體保舉引見

四年兼管監事大學士趙國麟奏准本年肄業期滿者止二十餘人若概行引

見則與原議不符就其中品學稍可觀者奏請亦非
慎重之意請暫停引

見之例嗣後如有才品學識迥異尋常者仍照原議
核實保薦

又吏部奏准八旗肄業期滿拔貢生奉

旨以筆帖式用者如不能繙譯准其但試清字考取
者以各部繕本筆帖式用

五年兼管監事大學士趙國麟等以肄業期滿
又畱監三年之貢生鄒儒引

見奉

旨以知縣用

謹案是時莊權告假回籍暴煜考充教習後期
滿引

見亦以知縣用

又吏部議准肄業監生期滿者國子監咨送到
部以主簿吏目分別考定職銜照考職年資名
次挨選

又議准繙譯貢監生准考內閣貼寫中書舍人

照筆帖式例給俸

又議准在各館修書暨在監肄業之漢恩拔副貢生考取翰林院孔目

謹案乾隆三十四年經部議請

欽派大臣考試竝請

欽命論題一道擬定正陪引

見錄用

八年兼管監事尚書劉吳龍等奏准八旗官學教習期滿引

見時分別等第以實心訓課著有成效者列為一等請

旨以知縣用仍畱官學教習三年期滿准其卽用訓課勤謹稍有成效者請

旨或用知縣或用教職仍歸原班銓選

又吏部奏准各館謄錄照考試滿洲繙譯謄錄之例貢監生均得與試由部行文禮部國子監核明繕冊取具同鄉京官印結送部俟

欽簡大臣在

午門內考試。遴取者按名補用。六年期滿。或全書告成。奏請議敘。其列在一等者。就職考職人員。准以應得之缺。卽用。其未經就職考職者。恩拔副貢。生以州同。州判。縣丞。掣用。歲貢。優貢。生。以主簿。吏目。掣用。肄業已滿。咨部候選。教職者。准輪班選用。未議敘以前。由諸生中式舉人者。議敘。以知縣用。捐納貢監生。以主簿。吏目。掣用。其議敘在二等者。銓用各酌減有差。

九年

國子監志

卷十三

甄用

七

諭各途考試除鄉會生童考試在貢院外其餘俱在午門等處照舊例辦理仍於取中後再嚴加覆試

謹案向例貢監生考職在

午門雍正七年以後改入貢院是年十月

詔各途考試俱在

午門諸處嗣於三十四年禮部議准一切

朝內考試人數在五十名以內仍照舊例在

午門內考試過五十名以外請照吏部考試候補

筆帖式之例於貢院聚奎堂考試仍請

簡派滿漢御史各一員以資彈壓乾隆五十年諭嗣後人數在二百以內者仍在午門考試如逾二百名卽歸貢院考試著為令

又御史錢度疏奏向來貢監生考職止分別等第凡成篇者盡行錄取未免濫收請

勅考試大臣務擇優通者酌取其餘概置不錄得

旨允行

又吏部議定蒙古繙譯貢監生准考內閣蒙古貼寫中書照筆帖式例給俸

十年定

武英殿錄書貢生照各館例六年議敘

十四年兼管監事侍郎觀保等以肄業期滿奏
請畱監之監生蔣炳引

見奉

旨以知縣用

十六年御史楊勲奏准官學漢教習員缺向例
祇由國子監堂官將現在肄業之恩拔副優歲
貢生考取充補嗣後照吏部揀選之例先期

命大臣至監會同考取并將試卷彌封詳閱

又禮部議定選拔貢生由學政考取令會同督撫秉公掄選順天學政選拔滿洲蒙古漢軍

欽派大臣會同看驗奉天由府丞選拔會同府尹看驗臺灣府由臺灣道選拔移送福建學政會同督撫看驗給照赴部以應

朝考列在優等者照舊例簡選引

見候

旨分別錄用未入簡選及引

見未用者俱劄監肄業竝令直省督撫澄汰年力就衰教職以簡選引

見之拔貢生補其缺

十七年江蘇學政雷鉉奏祭酒官於肄業諸生無保薦之人則平日董勸無實應加議處部議恐開臨期濫保塞責之漸令監臣於三年期滿時將無可保薦之處自行奏明著為例

又雷鉉奏准國子監保薦畱監期滿貢監生請欽派大臣試以經解策問始得引

見

十八年吏部議准考職就職貢監生得與守部
候選各員及未經截取之進士舉人同遞發河
工效力

又議准雲南貴州四川廣東廣西福建等遠省
教職向令在外督撫按月具題選授每多錯誤
駁回更多遲滯仍歸部選

十九年吏部議准二等教習歸班後例得挑選
較一等留學人員轉得先膺錄用未為平允嗣

後以知縣用之。畱學教習。遇有揀發一體報名遴選。

二十年兼管監事侍郎觀保等以期滿畱監之監生章紹七奏請

欽派大臣於

午門內試以經解策問。竝將試卷進呈

御覽帶領引

見奉

旨以知縣用。

二十六年

諭禮部各處教習三年期滿引見並無一二等之分惟國子監有之此例徒足開士子捷徑於實政殊無裨益將謂一等者為優則該監之列在二等者初不謂之劣而一則歸本班銓選一則畱學以知縣卽用且畱學三年既以知縣卽用而又預為聲明遇揀發時一體挑選是名為學校收課士之效而實為上下其手啟速化之門於教學用人俱無實濟嗣後此例著停止毋滋僥倖其如何詳定章程之處該部議定具

奏時部臣遵

旨議覆嗣後教習期滿出具考語帶領引

見恭候

欽定以知縣教職用毋庸分別等第亦毋庸畱學三年

二十八年御史王紱奏准凡貢監生考試八旗

教習照

咸安宮諸處教習例

欽派大臣在

午門內考試毋庸至國子監會同監臣閱卷

三十一年祭酒良誠奏稱國子監官學與

景山覺羅三處貢生教習每年奉

旨以知縣用者不下十餘人而向例於雙月三班五十一缺之後選用一人計一歲中合三處所選不過一人應量為疏通以示鼓舞經部議准於雙月三班五十一缺之後選用二人

又禮部覆准八旗官學設滿洲教習每學一人照考取覺羅學滿教習之例由國子監奏請考試凡八旗貢生生員等竝得與選

三十三年兼管監事尚書陸宗楷等奏准肄業
期滿諸生果有經明事治者卽隨時保奏若諸
生無可薦亦不必瑣瀆陳奏

三十四年

諭內閣向來各省學政三年任滿例應舉報生員優劣
其優生之保題到部者經禮部彙試分別廩增附生
作為貢監送入成均肄業且有按省分大小定額不
得過幾名之令而日久相沿奉行殊難責實在學政
中之拘謹畏事者多以無可舉報為辭人才既不無

屈抑其他好名示惠之人。雖所舉不敢踰額。必至儘數充選。自博寬厚之名。況學政與生員分屬師生。隨時得以相見。其中保無納贄夤緣情弊。於造士掄才。甚有關係。但三年舉行一次。為獎勵士子之一端。若竟輟而不行。未免因噎廢食。嗣後學政舉報優生。著照選拔貢生之例。會同該督撫一體考覈。果屬文行兼優者。准其會銜保題。庶諸生不致濫遺。而甄拔益昭。公當其報劣之例。仍舊加意覈實辦理。

又大學士等議准。侍郎王際華奏。以

武英殿錄書貢生。前經國子監所送。未稱任使。嗣後缺出。改用吏部考取正途出身之謄錄。

又禮部覆准考試官學教習。照吏部考試筆帖式之例。改歸貢院考試。

三十五年。兼管監事尚書蔡新等奏准。八旗官學滿教習八員。嗣後缺出。行文禮部於考取人員內補用。不由本監奏考。

三十七年。吏部奏准。滿洲蒙古拔貢引。

見奉

旨准其就職及肄業期滿者各免其考試以八旗筆帖式用

三十八年尚書永貴奏准

咸安宮官學及覺羅學滿教習許八旗恩監例監一體考試

又四庫全書總裁大學士劉統勳等奏准在京貢監生內有曾經學字情願自備資斧效力行走人員擇其字畫端正酌取三十名令其在館行走以供繕錄五年報滿准其議敘尋又奏添

取三十名一體在館效力

又劉統勳等奏准四庫全書卷帙浩瀚非多派
謄錄不能如期歲役應令現在提調纂修各員
於在京之舉人及貢監各生內擇字畫工緻者
各舉數人共足四百人之數令其充為謄錄自
備資斧效力仍按定字數每人每日寫一千字
五年期滿照各館議敘再書內有應繪圖樣另
選通曉畫法之貢監生十員作為謄錄一體效
力

又

高宗純皇帝巡幸天津

召試獻賦貢監生員奉

上諭。此次考列二等。有願在四庫全書處效力者。准其在謄錄上行走。

又四庫全書薈要總裁大學士于敏中等奏准另選謄錄二百名。繪圖四名。仍照現在謄錄寫書之例。自備資斧。期滿議敘。

又九卿等會議准御史胡翹元條奏。停止提調

纂修保舉謄錄之例

三十九年奉

旨辦理四庫全書並薈要二處所用謄錄莫若於鄉試發榜後卽在落卷內擇其字畫勻淨可供抄錄者酌定備用著交曹秀先嵩貴同派出之同考官竇光鼎吳玉綸周於禮趙佑戈源善聰畱住貢院將未經取中之南北中四彌封墨卷公同繙閱挑取五六百名交與吏部按照名次拆卷填註此內如有本係謄錄卽行扣除餘俟出榜曉示註冊挨補

四十一年

高宗純皇帝巡幸山東天津兩處

召試獻賦舉人貢監生員奉

上諭所有考取二等各生著照上屆巡幸天津之例有願在四庫全書處效力者准其在謄錄上行走

四十二年禮部議准各館現充謄錄人員嗣後遇考試漢教習之時俱不准其考試竝查明現在如有謄錄教習兩處兼走之員係先補謄錄者卽將教習撤回係先補教習者卽將謄錄撤

回如係肄業外班於依限寫書之外仍可自理本業無庸扣除以昭平允

又覆准考取八旗官學漢教習由部行文國子監移取肄業正途貢生名冊照各學教習之例一體奏請考試

又奉

旨繙譯鄉會試停止已二十餘年近日滿洲學習清文善繙譯者益少著加恩以乾隆戊戌年八月考試繙譯舉人已亥年三月考試繙譯進士嗣於四十三年

禮部議准繙譯鄉試應考之繙譯生員文生員貢監生天文生中書七八品筆帖式小京官等應照舊例由

欽派考試繙譯生員之大臣先期考試列在一二三等者准與新進生員一體入場

又奉

旨辦理四庫全書並薈要二處謄錄仍著於鄉試發榜後將未經取中之南北中四及貝字號墨卷彌封詳慎繕閱四字號挑取八百卷貝字號挑取六百卷交

與吏部照例辦理至應派之閱卷官俟臨時再降諭旨○

四十三年禮部議覆捐納貢監繙譯未必精通嗣後捐納貢監生均不准考試教習

四十五年

武英殿奏准嗣後校錄缺出仍照舊例咨取在監肄業之拔副優貢生十人由監考試選取充補四十九年禮部議准各學教習報滿俟接補之人到學再令離學嗣後教習扣滿先期一月咨

部

五十六年吏部奏准停止貢監生考職如將來不敷錄用再行酌奏

嘉慶三年禮部奏准方畧

國史二館謄錄在順天鄉試薦卷內令考官於南北中四竝貝字號擇其字畫勻淨可供抄錄者酌取一百二三十名交吏部照例辦理

四年

恩詔貢生監生派大臣考定職銜送部註冊

又吏部奏准考職如係

特恩考試其各項貢監生在

恩詔以前者毋庸扣限

十一年禮部議定

咸安宮滿教習於舉貢生員內精通繙譯者考取
補用期滿照各學教習例分別等第引

見銓補

十二年吏部奏定滿教習三年期滿教有成效
列一等者貢監生員引

見以筆帖式用歸於議敘班內選用如奏請畱學二次期滿入議敘卽用補用班內選用若奏畱三次期滿俱歸於各項卽用內較日期先後補用又禮部覆准考試各學漢教習統於正科殿試後舉行

十三年

仁宗睿皇帝巡幸淀津

召試獻賦貢監生員奉

上諭所有考列二等有願在文穎館效力者准其在膳

錄上行走

十六年

仁宗睿皇帝巡幸五臺

召試貢監生員奉

上諭所有考列二等者令充文穎館謄錄

謹案此次監生葉志詵呈進頌冊畫冊蒙

聖諭褒嘉

賞賚綬匹

特令在文穎館謄錄上行走

十七年。禮部覆准各官學漢教習於順天鄉試薦卷正途貢生內挑取傳補。

又禮部奏定八旗官學漢教習仍專用恩拔歲副優各貢生考補其例貢及廩捐貢者均不得與。

謹案向例

景山覺羅學各教習兼用貢生至是始定專考八旗教習云。

十九年吏部議定拔貢

朝考未經錄取准其在部呈請就職就教恩副歲
優各貢來京鄉試者亦如之

二十年禮部議准考取各官學漢教習復歸正
科

殿試後舉行

二十一年

武英殿奏准增設校錄十名

道光二年定候補謄錄教習及考取未經補用
之校錄均准咨送考職

○八旗官學生

八旗官學生考選之制滿洲蒙古漢軍各有區別其滿洲官學生准考而蒙古漢軍不與者則有各部寺庫使由吏部奏請

欽派大臣於貢院內考試試題於通本內擬用一道錄取者付吏部書於冊遇缺按旗分名次補用其蒙古學生准遴選而滿洲漢軍不與者則有唐古特學生經咒館校錄托忒學生唐古特學生由理藩院遴補以唐古特中書筆帖式補用

經咒館校錄由八旗遴選三年期滿給與筆帖式品級托忒學生由理藩院考取以貼寫中書理藩院筆帖式補用其漢軍官學生准考而滿洲蒙古不與者則有八旗外郎滿洲蒙古漢軍舊各一缺由吏部行文國子監於漢軍年久官學生內揀選一名咨送吏部考試繙譯補用又蒙古新設外郎每旗一缺由吏部行文本旗漢軍旗分將監生官學生報部附繙譯場考試補用期滿仍送吏部考授州同州判縣丞職銜於

貢監生考職選用七人之後選用一人其滿洲
蒙古同准考而漢軍不與者則有內閣貼寫中
書由貢監官學生考取按旗分名次補用考試
之制與庫使同

咸安宮官學生亦如之其滿洲蒙古漢軍同得考
選不復分別者則有各館繙譯謄錄九品筆帖
式太常寺讀祝官贊禮郎鴻臚寺鳴贊繙譯生
員恩監生諸途各館繙譯謄錄由貢監生官學
生考補九品筆帖式由官學生考授太常寺讀

祝官贊禮郎由太常寺官簡選八旗貢監生官
學生補授鴻臚寺鳴贊由鴻臚寺官簡選補授
繙譯生員三年一考錄取者冊送禮部仍准考
選筆帖式

咸安宮官學生由國子監遴送考選與八旗官學
同恩監生由八旗漢文班官學生考補自官學
而升太學有優異者竝得薦舉

謹案官學生甄用各途謹就現行則例開載其
歷年增定章程附載於後

順治十三年。以八旗官學生不習武事。

勅部酌定讀滿漢書額數。竝

諭凡應試及各衙門取用。均在此定數之內。其定數外讀書子弟。毋得取用。亦不許應試。

十四年。吏部題准。各部院筆帖式有缺。止用官學生補授。

謹案筆帖式舊例。由官學生庫使補授。九年定舉人生員。亦得選補。至是年題准。止用官學生。康熙元年。吏部奏准。八旗漢軍官學生考選印。

國子監志

卷三

職官

五

房外郎

三年吏部題准清漢文筆帖式有缺每旗咨取官學生三人清文筆帖式有缺本旗咨取五人令其掣籤補授

又議定各部院筆帖式有缺官學生與舉人廕監生間補

四年定官學生補授筆帖式取年久者補用六年禮部議定官學生除國子監照常考試外每年禮部嚴考一次分別等第送吏部錄用如

肄業怠廢者劾治助教等官議處

八年吏部題准各部院筆帖式有缺用廕監生十人官學生一人庫使領催一人循次開補

九年吏部題准筆帖式有缺凡候補筆帖式與廕監生照文到之先後共用十人然後用庫使領催二人官學生二人如清漢文筆帖式有缺係庫使領催應補而無識漢文者許以官學生擬用官學生遇應補時行文國子監考補

十年吏部題准庫使領催有缺行文國子監考

試官學生每旗咨送五人掣籤除授

又題准滿洲督撫藩臬筆帖式半於各部院筆帖式內選補半以廢監生官學生考取考取之制國子監於八旗各擇官學生一人與廢監生候補筆帖式同試

十二年吏部議准八旗漢軍官學生或通清文或通清漢文願於部院衙門錄用者令國子監於策論判語內酌試之竝令繙譯清漢文一篇嚴加關防彌封各卷擇文理優通者送部銓用

未取者還官學讀書。其滿洲通漢文之官學生不與試。至十三年卽罷此例。

十五年罷官學生考補領催。其考補庫使如舊制。

又罷官學生考試滿洲督撫藩臬筆帖式例。

十六年吏部題准外省將軍漢總督城守尉邊門筆帖式員缺將俊秀生員庫使官學生間補。謹案舊例將軍等衙門筆帖式俱以官學生補授。八年期滿還京候補。嗣又以庫使領催官學

生考補十五年議停考試至是復行更定焉
又吏部奏定

盛京各部筆帖式有缺由

盛京三四品官廕監生庫使除授若無其人亦准
以在京廕監生庫使官學生補用

二十年吏部題准各部院筆帖式有缺國子監
於滿洲習漢文之官學生及漢軍官學生內每
旗考送二人掣籤補授未授者書於冊以次銓
用

二十二年。吏部題准各部院筆帖式有缺。國子監於官學生內考試清文優通者。每一缺取五名。送部掣補。

二十三年。定八旗未出征監生及官學生。得考補清漢文筆帖式。

二十五年。定索倫地方筆帖式。由理藩院遴選兼通清字蒙古字之官學生。考送補授。五年期滿。所司大臣咨送還京。遇京師本旗有缺。許得先用。

二十九年。吏部題准八旗滿洲蒙古漢軍外郎員缺。由該旗咨部行文國子監。於本旗年久官學生內。遴選一名咨送。由部考試繙譯。

五十六年。定蒙古官學生。得選取理藩院委署筆帖式。

五十九年。定官學生及候補筆帖式之監生。每旗擇能寫清文大字者一人。能寫細字者二人。令其學習。俟肄習有成。奏請補用。

謹案八旗官學生。向例得除內閣辦事中書自

康熙十年後中書皆由考授官學生不復與選至是復定簡選學習補用之例

六十年吏部題准官學生銓補各部院筆帖式八旗各為一班循次遞補每班補用二人自康熙二十二年後止用一人計每旗官學生八十餘人閱五六年始得補用不無壅滯仍照舊例每班各用二人

六十一年定各部院銓補滿洲蒙古漢軍筆帖式繙譯繕寫各為一班凡官學生應銓者遇繙

譯筆帖式班次吏部以繙譯試之而後補遇清
文筆帖式班次以繕寫清文試之而後補劣者
駁還以其次應銓者考補駁還者給假一年令
其肄習遇缺仍得考補如國子監咨送官學生
適與捐納筆帖式同日則考其能繙譯繕寫者
補用

雍正元年吏部議定考試筆帖式先期奏請

欽點大臣閱卷御史監試試畢擬甲乙進

呈恭候

欽定俟奉

旨後出榜註冊按名補用

又定八旗漢軍筆帖式貢監生員官學生與滿洲蒙古一體考試繙譯於三年內考試秀才二次舉人進士各一次至乾隆十九年罷試繙譯舉人進士

四年定凡銓補內外各衙門筆帖式均於每月十五日截限二十日掣籤將考取人員除未滿十八歲者停其補用外餘各按旗分依限取名

次擬補舉人貢生授為七品筆帖式監生生員
授為八品筆帖式官學生義學生驍騎閒散人
等均授為九品筆帖式如任筆帖式後中式舉
人准改予舉人應得品級食俸任後捐監生者
改予八品職銜仍食九品俸

又定蒙古官學生准以蒙古筆帖式補用

五年定欽天監滿洲漢軍天文生缺歸入月選
令考試繙譯甄取之監生生員官學生義學生
掣補

六年定蒙古舉人貢監生員官學生義學生能繙譯滿洲蒙古語者得考試理藩院蒙古筆帖式試時吏部理藩院會考取者按旗循次補用

又吏部議奏舊例蒙古官學生得以中書補用似屬太優請罷其例又蒙古官學生有願試滿洲蒙古繙譯者令其與考以各部院衙門蒙古筆帖式用

七年定遼官學生俊秀者為

咸安宮官學生

十一年。吏部議定八旗生員監生官學生俱准考試。隨印筆帖式錄取者。授為九品筆帖式。三年期滿。咨部註冊考試。仍畱隨印效力。俟其銓補所陞缺後。始別行考取。

又定八旗蒙古新設外郎八名。令於漢軍生員監生官學生內。遴清漢文藝優者二人。擬正陪咨部考試充補。

乾隆元年。吏部奏定官學生考充各館繙譯謄

錄

四年吏部議定各部寺庫使有缺行文國子監
每一缺考選本旗官學生四人仍將試卷送部
覆核擇其佳者補用

五年吏部奏定滿洲蒙古官學生准考內閣貼
寫中書

十二年吏部議定各省貢監生考職均照康熙
五十七年例扣限期滿送考其官學生考取監
生亦扣滿二十四箇月連閏計算方准送考

十六年御史恒光奏准部寺庫使有缺令國子監咨送八旗官學生三人與覺羅官學生二人均聽吏部考用

二十一年吏部奏定官學生得簡選太常寺讀祝官贊禮郎鴻臚寺鳴贊一體引

見補授

二十五年吏部奏定考補部寺庫使令覺羅官學生八旗官學生均得與試先期奏請

欽點大臣閱卷酌取書冊有缺則按旗循名次補用

三十一年。定官學生之兼前鋒護軍領催披甲者。准考試貼寫中書。

五十六年。吏部奏定考試筆帖式恭請

欽命試題

嘉慶二年。定官學生於報滿之年。遇有考試中書筆帖式。庫使等項。其在三月及半年以內者。酌量畱學。俾得與試。如試期尚遠。仍不准畱學。致占額缺。

七年。吏部奏准漢軍外郎停止揀選官學生。嗣

後於吏部考試繙譯時令漢軍官學生與該旗漢軍生監一體考補

又吏部奏定考試八旗滿洲蒙古漢軍隨印外郎由部行文漢軍旗分將生監官學生義學生送部考試如義學生內有兼養育兵者仍准考試

八年定托忒學生五年期滿考試一等以貼寫中書用二等以理藩院筆帖式用俱食原餉學習三年後遇缺坐補三等畱學五年再行考試

不入等者革退一等之員。該學如欲令作教習兼教學生者亦准報部兼攝行走。

附

元

至大四年定國子學試貢法。蒙古授官六品色

目正七品。漢人從七品。

元史選舉志

謹案是時未行科目。故試貢銓注品秩之優與進士相埒。

本學正錄司樂典籍管勾侍儀舍人舊例舉積

分生員充之。泰定三年更積分而行貢舉。定於上齋舉年三十以上。學行堪範後學者為正錄。通曉音律。學業優瞻者為司樂。幹局通敏者為典籍。管勾其侍儀舍人。于上中齋舉禮儀習熟。音吐洪暢。曾掌春秋釋奠。每月告朔鳴贊。眾與其能者充之。

同上

天曆二年於國子生員內舉充郊壇庫藏都監。

同上

又定國子學伴讀歲貢八人內充部令史者四。

人路教授者四人

同上

至順元年詔國子生積分及等者省臺集賢院奎章閣官同考試中式者以等第試官不中者

還學肄業

續文獻通考

至正間教官悉用下第進士及鄉試備榜七年

以監察御史成遵等言試國子監會食弟子員

選補路府及各衛學正

元史順帝紀

明

外官推官知縣及學官由舉人貢生選京官五

府六部首領官。州縣佐貳都布按三司首領官。

由監生選。

明史選舉志

太祖雖間行科舉而監生與薦舉人才參用故其時布列中外者太學為最盛一再傳之後進士日益重薦舉遂廢而舉貢日益輕雖積分歷事不改初法南北祭酒陳敬宗李時勉等加意振飭已漸不如其始衆所趨向專在科甲宦途升沈定於謁選之日監生不獲上第雖奮自鏃厲不能有成積重之勢然也迨開納粟之例庶

民皆得援例入監。謂之民生。亦謂之俊秀。而監生益輕。於是同處太學。而舉貢得為府佐貳及州縣正官。尚為正途。而援例監生。僅得選州縣佐貳及府首領官。其授京職者。乃光祿寺土林苑之屬。其願就遠方者。則以雲貴廣西及各邊省軍衛有司首領及衛學王府教授之缺用。而終身遂為異途矣。同上

謹案明太祖洪武元年。即選國學生侍太子讀書五年。命諸生先於諸司習吏事。謂之厯事監

生取其中尤英敏者李擴等入文華武英殿說書後俱擢御史給事中又擢監生劉政龍鐔等為行省布政按察使諸官蓋內而臺諫外而藩臬竝由太學其常調者乃為府州縣六品以下官又命諸生稽覈黃冊督修水利其委任甚重永樂以後雖厯事之額遞增出使之輶閒命而按循資格無復不次用之者矣

凡監生厯事吏部四十一名戶部五十三名禮部十三名大理寺二十八名通政司五名行人

司四名。五軍都督府五十名。謂之正厯。三月上
選滿日增減不定。又有諸司寫本。戶部十名。禮
部十八名。兵部二十名。刑部十四名。工部八名。
都察院十四名。大理寺通政司俱四名。隨御史
出巡四十二名。謂之雜厯。一年滿日上選。又有
諸色辦事。清黃一百名。寫誥四十名。續黃五十
名。清軍四十名。天財庫十名。初以三年謂之長
差。後改一年上選。承運庫十五名。司禮監十六
名。尚寶司六名。六科四十名。初作短差。後亦定。

一年上選。又有隨御史刷卷一百七十八名。工部清匠六十名。俱事完日上選。又有禮部寫民情條例七十二名。光祿寺刷卷四名。修齋八名。參表二十名。報訃二十名。齋俸十二名。錦衣衛四名。兵部查馬冊三十名。工部大木廠二十名。後府磨算十名。御馬監四名。天財庫四名。正陽門四名。崇文宣武朝陽東直俱三名。阜城西直安定德勝俱二名。以半年滿日回監。同上建文時定歷事期滿監生考核之法。分上中下

三等上等選用中下者仍歷一年再考上等者亦選用中等者不拘品級隨才任用下等者回監讀書凡歷事吏部四十一名永樂元年奏請增額十五名從之是時吏部又請取通經監生三百名送翰林院考試選用教職他若齋勅諭中外頒詔各王府以及訪求高皇帝御製文宸翰皆令監生奉命以行

南雍志

謹案此條雖見南雍志然歷事之法迄明世遵行之且永樂時已設行部國子監規制應同後

凡京師國子監通行之制而紀於南雍志者亦載焉

先是監生辦事內府半年卽選及吏部以五府六部等衙門厯事者所關較重而選用反遲非所以勸士為言因命內府辦事者一年乃許就選永樂二年尚書蹇義又以內官監奏准半年授官而諸司厯事監生例應三月授官因缺少有遲至一年未授者請令所司於內府辦事監生月日滿日定例賞給仍令回監依厯事出身

著為令

同上

永樂五年選監生三十八人隸翰林院習四夷
譯書九年辛卯習譯書監生鍾英等五人成進
士俱改庶吉士壬辰乙未以後譯書中會試者
甚多皆改庶吉士以為常

明史選
舉志

謹案永樂時又取善書監生繕寫實錄永樂大
典五經大全諸書書成之日或授御史中書或
賚銀鈔絹米皆隨時酌定不為定例

八年定厯事監生三試俱殿者以未入流首領

官敘用

南雍志

十一年定取撥歷監生必循資次

同上

二十二年簡監生二十八人分六科隨朝歷事

兩朝典故

仁宗初歷事者多不願還監通政司引奏六科

辦事監生二十人滿日例應還監仍願就科辦

事帝不許復召二十人者諭令進學蓋是時六

科給事中多缺諸生覬得之帝察知其意故不

授官也

明史選舉志

宣宗以教官多缺選監生三百八十人又監生程富等以都御史顧佐之薦使於各道歷政三月選擇任之謂之試御史

同上

內府收鈔者辦事以三年為限英宗即位遣歸歷事差使監生俱令在家聽候選用惟清理文職貼黃監生及清理軍職者入監十年以上歷事照例考覈

南雍志

宣德十年從祭酒貝泰疏奏候選監生皆撥歷年遠銓除之日大半齒衰宜選取盛年堪任者

充儒學教官於是會官簡選通經監生除授教

職

同上

宣德時取副榜舉人年二十五以上者授教職

明史選舉志

正統元年兵部奏請選挑能書監生十八人送中書科書寫武職誥命三年滿日照厯事出身

撥補

南雍志

又從南陵教諭任綸請命舉人除教職者寄監以待再試如三試不第者照歲貢出身選官

同上

四年集諸生一千九百人合試於大成門之丹墀試法一如棘闈故事取監生三百人送吏部選用教職後復以教職多缺選監生能作三場文字者考選充之

辟雍紀事

五年奏准三法司寫本分巡一年出身者以監生當厯事者充之兵部戶部清軍寫誥天財庫辦事三年出身者以監生入監五年者充之印綬監清黃績黃三年仍厯事二年共五年出身者以監生入監三年者充之

南雍志

六年吏部以雲貴兩廣巡檢吏目倉官驛丞有缺先年有監生願出仕遠方事例請以就職監生年四十七八以上者銓補從之同上

七年中書宋懷等以年深監生寫字麤拙請不拘資次選用旋經祭酒李時勉請仍遵前例并令寫誥已滿監生授之職事專一寫誥從之兩朝

典故

又查理黃冊取撥監生一千二百名同上

又祭酒陳敬宗奏命入監十年以上者准照歷

事例出身。

同上

景泰四年令監生坐堂五年者辦事。歷事二年出身。四年者三年出身。三年者四年出身。一年二年者止令辦事。不許歷事出身。又令監生正。歷一年三閱月。寫本一年。長差三年。用祭酒王恂言也。

南雍志

六年取撥監生八百名。查理黃冊。時在監坐堂人少。移文取依親監生以足之。

同上

天順二年。兵部奏撥清黃監生一百名。歷事三

年送吏部選用又奏清理軍伍撥取監生四百

名

兩朝典故

謹案南雍志天順元年兵部清理軍伍取撥監生四十名三年送吏部選用二年又奏清理軍伍取監生四百名所載互異存之以備參考

三年令依親監生復班後坐堂及辦事半年方

准撥歷

南雍志

五年詔坐堂歷事聽選記名等監生有願告歸

者俱與在外九品職名冠帶閒住

同上

舊例監生歷事三月考勤後移吏部取用景泰
以來三月考勤畢重歷一年天順六年減作九
月送吏部銓用後復改諸司歷事考最勤謹者
再歷三閱月送部聽選其有願就教職及雜職
者聽不能出仕願告回家者俱與冠帶閒住尋
定正歷六閱月寫本八閱月長差一年半明太
學志
成化元年令納粟監生坐堂十年循次撥歷若
中鄉試者通計先年坐監日月撥歷南雍
志
二年令禮部都察院堂上官歲與祭酒考選監

生一次老疾不堪作養者給冠帶閒住後又申明監生毋得告就雜職至於願就教職必嚴試三場始准若納馬納粟等項暨未經科舉者俱不得濫與

同上

監生撥厯初以入監年月為先後丁憂省祭有在家延畱七八年者比至入監即得取撥陳敬宗李時勉先後題請一以坐監年月為淺深其後又以存省京儲依親就學在家年月亦作坐堂之數其患病及他事故始以虛曠論諸生互

爭年月資次各援科條成化五年祭酒陳鑑以
兩詞具聞乞勅禮部酌中定制為禮科所駁鑑
復奏爭之乃下部覆議請一一精覈仍計地理
遠近水程以為準然文移往來紛錯煩擾上下
伸縮弊端甚多卒不能畫一也

明史選
舉志

五年吏部尚書李秉以天下庶職不稱職者由
諸監生冗雜乃以貌言書判四事律之四者有

三者為上有一者為中有一者冠帶回家

學典

七年令監生重厯九閱月者又減兩月

南雍志

先是天下教官多缺而舉人厭其卑冷多不願就。成化十三年御史胡璘疏言。教官率多歲貢。言行文章不足為人師範。請以舉人選用而罷貢生勿選。部議歲貢如其舊而舉人教官仍許會試。自是就教者亦漸多矣。

明史選舉志

十五年詔監生歷事有不願出仕者授以正七品有司職名依親坐堂授以正八品職名冠帶

閒住。

南雍志

二十二年吏禮兩部議生員由科貢入監乃先

朝舊制納粟准充監生係一時權宜若循次撥
厯滿日入選則納粟者比之科貢數多未為平
允宜分為兩途酌量相兼撥厯俟納粟監生撥
厯已盡科貢之士可以復舊循次出身矣於是
各置精微文簿臨時復計兩途人數多寡量撥

同上

宏治元年吏科給事中林廷玉上言納粟監生
臨選吏部嚴加考試分為三等上中二等與科
貢一體選用下等填注衙門職名令其冠帶閒

住從之

同上

三年從尚書王俱請增撥吏禮二部寫本監生

各二名兵部一名

同上

又定四夷館繙譯選取監生二十名子弟一百

名習番語番文歷三年一考九年考中優等者

子弟授以雜職監生授以從八品官

兩朝典故

先是納粟監生多於科貢故分為兩途相兼撥

歷其後科貢多於納粟宏治四年從祭酒謝鐸

請更定撥歷人數科貢十居六七納粟十居三

四云

南雍志

明初令監生由廣業升率性堂始得出身。天順以前在監十餘年。然後撥厯諸司厯事三月。仍畱一年。送吏部銓選。其兵部清黃及隨御史出巡者。則以三年為率。其後以監生積滯者多。頻減撥厯歲月。以疏通之。每歲揀選優者。輒與撥厯。宏治八年。監生在監者少。而吏部聽選至萬餘人。有十餘年不得官者。祭酒林瀚以坐班人少。不復撥厯。請開科貢禮部尚書倪岳覆奏。科

舉不可再增惟增歲貢人數而定諸司厯事必
須日月滿後方與更替諸生坐監稍久選人亦

無壅滯焉

明史選
舉志

十四年定歲貢生願授教職者先送翰林院國

子監按月考試期年後選取陞考授職

南雍
志

十五年定監生正厯一年三月者減三月長差

三年者減一年

同上

十七年從祭酒謝鐸言歲貢生願就教職者附

監肄業一年附選

同上

又南祭酒章懋疏奏歲貢諸生先令督學憲臣
嚴試再命大臣簡選謁選之日吏部就行考定
高下或錫冠帶或授合得品級散官使之待選
於家而行文各處巡撫巡按分巡分守及司府
正官凡有公事委之幹辦驗其能否歲終第其
高下造冊奏聞其材識優長卽行取選年老不
堪用者就令致仕從之

同上

正德五年令正厯減四月雜厯減兩月長差減

六月

明太學志

八年祭酒石珪疏請照先年事例厯滿方與起送撥補部議撥厯事宜因時增減不常請照宏

治十五年正厯寫本各一年之例從之

同上

十四年贛州府歲貢生周尚文以擒斬賊徒報

功命免其坐監卽與附選

靖文獻通考

謹案明制諸生擒賊報功者得為功生例免坐

監厯事卽與銓敘亦見辟雍紀事

嘉靖十年監生在監者不及四百人諸司厯事

歲額以千計禮部尚書李時以國學缺人視宏

治閒更甚乃引倪岳前議權宜之法定諸司歷事三月考勤後仍歷一年寫本一年清黃寫誥清軍清匠三年出巡等項俱如舊例日月從之

明史選
舉志

先是減去雜厯缺一百五十六名嘉靖十五年以在監人多遂依舊額後生徒日盛更請增額遂定查各衙門正雜厯共九百三十八名外又增一百四十一名

明太
學志

三十一年令舉人上選二年歲貢三年援例監

生六年赴部選補邊方府州縣官

兩朝典故

四十五年給事中張純等奏請舉人年四十以

上者俱銓授教職歲貢衰老不得收選從之

同上

又議濟大工許監生入貲授冠帶謁選又准援

納布按二司首領

辟雍紀事

隆慶五年令監生納銀得授都司經歷斷事等

官并開遙授冠帶例

同上

舊例舉人就教多授府州縣訓導萬厯初概授學正教諭不及三年卽陞知縣由是舉人遂不

復坐監大學士張居正奏請酌議釐正將考取
上卷中卷十卷以前俱授學正中卷二百名前
俱授縣教諭餘俱授訓導

兩朝
典故

萬曆十四年吏部尚書楊巍祭酒張位各陳選
法請擇文義精通之納粟監生視歲貢監生例

選授府佐縣正

辟雍
紀事

三十一年令監生入貲授文華武英二殿中書

同上

天啓三年戶部奉旨行監撥監生三百五十名

清理黃冊

同上